

গণপ্রজাতন্ত্রী বাংলাদেশ সরকার
প্রবাসী কল্যাণ ও বৈদেশিক কর্মসংস্থান মন্ত্রণালয়

প্রবাসী কল্যাণ ভবন

৭১-৭২, পুরাতন এলিফ্যান্ট রোড, ইক্সটন গার্ডেন, রমনা, ঢাকা-১০০০

কল্যাণ শাখা

www.probashi.gov.bd

**বিষয় : COVID-19 (করোনা ভাইরাস) প্রতিরোধ ও মোকাবেলায় প্রয়োজনীয় কার্যক্রম গ্রহণ এবং দিক নির্দেশনা প্রদানের
লক্ষ্যে অনুষ্ঠিত আন্তঃমন্ত্রণালয় সভার কার্যবিবরণী।**

সভাপতি : জনাব ইমরান আহমদ, এমপি
মাননীয় মন্ত্রী
প্রবাসী কল্যাণ ও বৈদেশিক কর্মসংস্থান মন্ত্রণালয়।

সভার তারিখ : ১৫/০৩/২০২০ খ্রিস্টাব্দ।
সময় : দুপুর ১২:৩০ ঘটিকা।
স্থান : মন্ত্রণালয়ের সম্মেলন কক্ষ (৬ষ্ঠ তলা)।

সভায় উপস্থিত কর্মকর্তাবৃন্দ : পরিশিষ্ট ‘ক’ দ্রষ্টব্য।

উপস্থিত সকলকে স্বাগত জানিয়ে সভাপতি সভার কাজ আরম্ভ করেন। সূচনা বঙ্গব্যে তিনি বলেন, COVID-19 (করোনা ভাইরাস) সংকট বর্তমানে ভৌগলিক সীমানা অতিক্রম করে বৈশ্বিক রূপ লাভ করে মহামারির আকার ধারণ করেছে। করোনা ভাইরাস সংকটের কেন্দ্রবিন্দু চীন হতে সরে ইউরোপে কেন্দ্রীভূত হয়েছে। তিনি বলেন, ইতোমধ্যে বিভিন্ন দেশ বিদেশি নাগরিকদের জন্য ভিসা প্রদান বা সেদেশে প্রবেশ সীমিত/বন্ধ করেছে। একইভাবে বাংলাদেশ সরকারও অন্তর্ভুক্ত ভিসা প্রদান সাময়িকভাবে বন্ধ করেছে। অন্যদিকে, সম্প্রতি যে সকল অভিবাসী কর্মী ছুটিতে বা অন্য কোন কারণে দেশে এসেছেন এবং যারা নতুনভাবে কর্মসংস্থান নিয়ে বিদেশে যাওয়ার জন্য অপেক্ষা করছেন তাদের ভিসার মেয়াদ উত্তীর্ণ হওয়ার আশঙ্কায় আছেন। তিনি বলেন, ইতোমধ্যেই সংশ্লিষ্ট দেশসমূহের রাষ্ট্রদূতগণের সাথে এ বিষয়ে সভা হয়েছে এবং তারা আশ্বস্ত করেছেন যে, যাদের ভিসার মেয়াদ উত্তীর্ণ হয়ে যাবে পরবর্তীতে পরিস্থিতি স্বাভাবিক হলে তাদের ভিসার মেয়াদ বর্ধিত করা হবে। অতএব ভিসার মেয়াদ নিয়ে উদ্বিগ্ন হওয়ার কোন কারণ নেই বলে তিনি জানান।

০২। তিনি বলেন, করোনা ভাইরাস প্রতিরোধ ও মোকাবেলায় সরকার অত্যন্ত সচেষ্ট এবং এ সম্পর্কে সরকারের সুস্পষ্ট দিক নির্দেশনাও রয়েছে। এ মন্ত্রণালয় কর্তৃক করোনা ভাইরাস মোকাবেলায় ও প্রতিরোধে করণীয় বিষয়ে ব্যাপক প্রচার প্রচারণা অব্যাহত রয়েছে এবং ইতোমধ্যেই এ বিষয়ে একজন ফোকাল পয়েন্ট কর্মকর্তা নিয়োগ করা হয়েছে। তিনি বলেন, সরকারের অন্যান্য সংশ্লিষ্ট মন্ত্রণালয়/বিভাগ/দপ্তরসহ বিভিন্ন বে-সরকারি প্রতিষ্ঠানও এ বিষয়ে স্ব স্ব কার্যক্রম গ্রহণ করেছে। এই পরিস্থিতিতে, বিদেশে অবস্থানরত, বিদেশ ফেরত কিংবা বিদেশ গমনেচ্ছু প্রবাসী কর্মীদের স্বার্থ সুরক্ষা, মনোবল বৃদ্ধিসহ কীভাবে সমন্বিত প্রচেষ্টায় করোনা ভাইরাস প্রতিরোধ ও মোকাবেলা করা সম্ভব সে বিষয়ে এ মন্ত্রণালয়ের এবং অংশীজনের কর্মপরিকল্পনা নির্ধারণের জন্য জরুরী আন্তঃমন্ত্রণালয় সভার আয়োজন করা হয়েছে বলে তিনি জানান।

০৩। এ পর্যায়ে, সভাপতি মন্ত্রণালয়ের সচিব মহোদয়কে সভা পরিচালনার অনুরোধ জানান। সচিব বিদ্যমান পরিস্থিতি এবং সরকারের কেন্দ্রীয় নির্দেশনার আলোকে প্রবাসী কর্মী ও তাদের পরিবারের মধ্যে ব্যাপক প্রচারণা অব্যাহত রাখতে হবে। রক্ষার লক্ষ্যে পরবর্তী করণীয় বিষয়ে পরামর্শ, মতামত ও স্ব স্ব দণ্ডরে/প্রতিষ্ঠানের কর্ম-পরিকল্পনা সম্পর্কে আলোচনা করার জন্য উপস্থিত সকলকে অনুরোধ জানান।

০৪। বিস্তারিত আলোচনাতে সর্বসম্মতিক্রমে নিম্নবর্ণিত সিদ্ধান্তসমূহ গৃহীত হয়:

- (ক) COVID-19 (করোনা ভাইরাস) প্রতিরোধ ও মোকাবেলায় করণীয় বিষয়ে বিদেশে অবস্থানরত, বিদেশ ফেরত কিংবা বিদেশ গমনেচ্ছু প্রবাসী কর্মী ও তাদের পরিবারের মধ্যে ব্যাপক প্রচারণা অব্যাহত রাখতে হবে। করোনা ভাইরাস নিয়ে যেন কোন আতঙ্ক সৃষ্টি না হয় এ লক্ষ্যে প্রয়োজনীয় লিফলেট ছাপানো ও প্রচার এবং সংবাদ মাধ্যম, টিভি ও রেডিও-তে নিয়মিত প্রচারণার জন্য এই মন্ত্রণালয় ব্যবস্থা গ্রহণ করবে। সংশ্লিষ্ট সকল অংশীজন এ বিষয়ে প্রয়োজনীয় পদক্ষেপ গ্রহণপূর্বক এ মন্ত্রণালয়কে অবহিত করবে।

(খ) বিদেশে অবস্থানরত অভিবাসী কর্মীদের মধ্যে যেন করোনা ভাইরাস নিয়ে আতঙ্ক সৃষ্টি না হয় এবং এর প্রতিরোধ ও মোকাবেলায় তারা যেন সংশ্লিষ্ট দেশের নির্দেশনা/অনুশাসন কঠোরভাবে মেনে চলেন সে লক্ষ্যে বিদেশস্থ বাংলাদেশ মিশনের সকল শ্রম কল্যাণ উইং ব্যাপক প্রচার প্রচারণা অব্যাহত রাখবে। একইসাথে, অভিবাসী কর্মীদেরকে নিজের, পরিবারের এবং দেশের জনগনের স্বাস্থ্যগত নিরাপত্তার স্বার্থে পরিস্থিতি স্বাভাবিক না হওয়া পর্যন্ত স্ব স্ব দেশে অবস্থান করার বিষয়েও সকল শ্রম কল্যাণ উইং প্রচার প্রচারণা অব্যাহত রাখবে। যে সকল দেশে শ্রম কল্যাণ উইং নেই সে সকল দেশে বাংলাদেশ মিশনকে ব্যাপক প্রচার প্রচারণা অব্যাহত রাখার জন্য অনুরোধ করা হয়।

(গ) ব্যাপক প্রচারণার মাধ্যমে ছুটিতে ফেরত আসা কিংবা বিদেশ গমনেচ্ছ অভিবাসী কর্মীদের আশ্বস্ত করতে হবে যে, পরিস্থিতি স্বাভাবিক হওয়া মাত্র তাদের ভিসা প্রদান/ভিসার মেয়াদ বর্ধিত করার বিষয়ে বিভিন্ন দেশ হতে প্রতিশ্রুতি পাওয়া গেছে বিধায় এ বিষয়ে আতঃকিত হওয়ার প্রয়োজন নেই (বিশেষত অভিবাসনপ্রবণ জেলা, উপজেলা, ইউনিয়নে ব্যাপক প্রচারণা চালাতে হবে)। এ বিষয়ে সংশ্লিষ্ট সকল এনজিও স্থানীয় প্রশাসনের সাথে সমন্বয় করে প্রয়োজনীয় ব্যবস্থা গ্রহণ করবে।

(ঘ) প্রতারক ও দালাল চক্র ছুটিতে আসা অভিবাসী কর্মীদের ভিসা প্রদান সংক্রান্ত বিষয়ে যাতে ভুল বা মিথ্যা তথ্য দিয়ে বিভাস্ত করতে না পারে সে জন্য ভিসার মেয়াদ বর্ধিতকরণের বিষয়ে বায়রা তার আওতাধীন সকল রিক্রুটিং এজেন্টকে সর্তক থাকার এবং প্রয়োজনীয় পদক্ষেপ গ্রহণের নির্দেশনা প্রদান করবে এবং বিষয়টি নিয়মিত মনিটর করবে।

(ঙ) প্রবাসী কল্যাণ ও বৈদেশিক কর্মসংস্থান মন্ত্রণালয়ের অতিরিক্ত সচিব ড. আহমেদ মুনিরুল্ল সালেহীন (মোবাইল: ০১৭১৩ ০১৭৫৫৪; ই-মেইল: ahmedmsaleheen@gmail.com) কে করোনা ভাইরাস কার্যক্রম সংক্রান্ত বিষয়ের ফোকাল পারসন নির্ধারণ করা হয়েছে। উক্ত ফোকাল পারসনের নেতৃত্বে একটি মনিটরিং কমিটি গঠন করা হবে। অন্যান্য সকল মন্ত্রণালয়/বিভাগকে করোনা ভাইরাস প্রতিরোধ ও মোকাবেলার লক্ষ্যে স্ব স্ব ফোকাল পয়েন্ট কর্মকর্তা নির্ধারণ করার জন্য অনুরোধ করা হয়।

(চ) ভাইরাস প্রতিরোধ ও মোকাবেলায় করণীয় বিষয়ে দেশব্যাপী পর্যন্ত ব্যাপক গণসচেতনতা সৃষ্টির লক্ষ্যে একযোগে কাজ করার জন্য সকল এনজিও এবং আইএনজিও-কে নির্দেশনা প্রদানের অনুরোধ জানিয়ে এ মন্ত্রণালয়ের মন্ত্রী মহাপরিচালক, এনজিও বিষয়ক ব্যূরো-কে একটি আধা-সরকারি পত্র প্রদান করবেন।

(ছ) করোনা ভাইরাস আক্রান্ত দেশ হতে ফেরত আসা অভিবাসী কর্মীগণ যে সকল এলাকায় বসবাস করেন সে সকল এলাকাসহ অভিবাসনপ্রবণ এলাকায় ব্যাপক প্রচারণা চালাতে হবে। এ লক্ষ্যে, সকল টিটিসি, ডিইএমও এবং মাইগ্রেশন সাপোর্ট সেন্টার প্রয়োজনীয় ব্যবস্থা গ্রহণ করবে।

(জ) যেহেতু করোনা ভাইরাস এর বিস্তারের বৈশিষ্ট্য, প্রবণতা ও ব্যাপকতা দ্রুত পরিবর্তিত হচ্ছে সেহেতু এর মোকাবেলায় করণীয় বিষয়ে দ্রুত সিদ্ধান্ত গ্রহণের জন্য প্রতি সংগ্রহেই পর্যালোচনা সভা করতে হবে।

(ঝ) করোনা ভাইরাস এর প্রভাব দীর্ঘ মেয়াদী হলে এর ফলে বৈদেশিক কর্মসংস্থানে কী ধরণের প্রভাব পড়তে পারে এবং তা উত্তরণের জন্য কী ধরণের কৌশল অবলম্বন করা যেতে পারে সে বিষয়ে সংশ্লিষ্ট সকল অংশীজন তাদের সুচিত্তি মতামত মন্ত্রণালয়ে প্রেরণ করতে পারেন।

০৫। সভায় গঠনমূলক আলোচনায় অংশগ্রহণের জন্য ধন্যবাদ জানিয়ে এবং করোনা ভাইরাসে আতঙ্কিত না হয়ে বরং এর প্রতিকারে ও মোকাবেলায় সকলকে সমষ্টিভাবে কাজ করার আহ্বান জানিয়ে সভাপতি সভার সমাপ্তি ঘোষণা করেন।

ইমরান আহমেদ, এমপি
মন্ত্রী
১৬/৩/২০২০